

瘍

醫

大

全

瘍醫大全目錄

卷十八

頸項部

頸項痛門主論

夾疽門主論

氣頸門主論 附方

頸癰門主論

環項發門主論

頸蝗門主論

風熱鎖喉毒門主論

無辜疔傷瘡門主論 附方

瘦瘤門主論 附方

癩癧門主論 附方

馬刀門主論

瘰癧癰門主論

蠹疽門主論

鈕扣風門主論 附方

瘍醫大全卷十八

燕湖顧世澄練江氏纂輯

增錢之栢東

男 槐燮用和

全校

頸項部

自頸項至結喉止凡一切癰疽癭瘤瘰癧馬刀皆彙  
於此部中以便檢閱參治

頸項痛門主論

邪客三陽則痛寒搏則筋急風搏則筋弛左多屬血  
右多屬痰丹溪治一人項強痛甚不可以回顧作  
痰客太陽經治之用二陳湯加酒芩羌活紅花服  
二劑而愈有挫閃及失枕而項強痛者皆由腎虛  
不能榮筋也六味地黃湯加秦芫

夾疽門主論

王肯堂曰夾疽生喉之兩傍屬手少陰心經足太陰脾經足厥陰肝火熱毒上攻而成內潰者難治虛火上升痰壅飲食不進者死

準繩

氣頭



氣頸門主論

汪省之曰氣頸乃七情抑鬱不伸肝脾氣鬱不舒結  
喉之間氣結如胞隨喜怒消長甚則飲食監碍治  
以四海舒鬱丸主之

埋例



氣頸門主方

四海舒鬱丸

青木香 五錢

陳皮

海蛤粉 各三錢

海帶

海藻

昆布

海驪蛸

各二兩俱用  
滾水泡去鹽

共研細每服三錢不俱酒水日服三次揼澄在  
碗底內者敷氣頸上愈後用黃藥子四兩生酒  
三大盞煮三炷香罈一七去火毒早晚任飲數  
杯酒完永除根

頸癰



頸癱門主論

王肯堂曰頸癱屬手少陽三焦經鬱火積憤驚惶所致初覺即隔蒜灸若潰後不飲煩躁脹滿小便如淋嘔吐者死

準繩


靈樞云發於頸者名曰天疽其癰大而赤黑不急治則熱氣下入淵腋前傷任脉內熏肝肺薰肝肺十餘日而死矣

申斗垣曰頸左發爲癰右發爲疽皆由臟腑熱毒風氣伏結風府之間故毒發於頸之上下但內近咽

喉飲食氣道呼吸所關其見症也寒熱往來喉嚨  
疼痛飲食妨碍亦惡候也 啓立

壑光曰頸癰胸前紅腫形勢在外防其內攻甚則紅  
腫出膿

環項發



環項發門主論

王肯堂曰環項發發於項之周圍故名又名落頭癰  
先看何處腫起如從後天柱穴起是足太陽兼督  
脉癰門穴下作寒熱拘倦悶亂恐怖不食如連前  
項俱腫乃毒流入足少陽連耳腫是流入陽明當  
分經絡治之不應者死

華繩

甄璜



瘍醫大全

卷十八

甄璜

八

顧氏秘書

頸蝗門主論

汪省之曰頸蝗其毒不紅其形堅硬無膿一年半載  
長久如此不能穿潰兩尖鎖頸嗜人脂血食血一  
飽病人即將危矣毒發之初先服益氣養榮湯十  
餘劑即將兩患頭上用三稜針針住以艾炷灸七  
壯或九壯次服神效瓜蔓散

方見乳  
症門自消理例



風熱鎖喉毒門主論

竇漢卿曰頸項間忽痛如失枕之狀名曰風熱鎖喉  
毒久則紅色繞於肩背堅硬難治

全書

無辜疔傷瘡



無辜疔傷瘡門主論

申斗垣曰無辜疔傷瘡乃因小兒衣物洗濯晒晾誤被雌鳥糞及羽毛落於上有虫入於皮毛間致令小兒腦後項邊有核如彈丸在肉內推之則動軟而不痛久則虫化入於臟腑令兒羸瘦壯熱便膿血頭骨開縫肢體生瘡治宜消疔鱉甲丸主之啟

馮魯瞻曰無辜疔者因浣衣夜露被無辜落羽所汚小兒服之令身體發熱日漸黃瘦便痢膿血是也

心鑑曰腦後項邊有核如彈按之轉動軟而不痛其

間有蟲如米粉如不速破而去之卽蟲隨熱氣流散遍體生瘡一入臟腑便痢膿血須以銀針刺破貼以膏藥可也

又曰更有疔蟲或如髮絲或如馬尾出於頭頂腹背之間黃白及赤者生紫黑青者死

無辜疔傷瘡門主方

驚甲丸

夜明砂

淨微炒

驚

甲

醋煮令黃去肋

枳

殼

黃連

各二兩

雄全鷓

一個

訶

子

生一枚  
熟一枚

共爲末入麝香少許蜜爲丸如菜豆大每服五丸食後用米飲送下

瘦瘤



瘦瘤門主論

陳實功曰瘦瘤非陰陽正氣結腫乃五臟瘀血濁氣  
痰滯而成也瘦者陽也色紅而高突或蒂小而下

垂瘤者陰也色白而漫腫亦無癢痛人所不覺

正宗

又曰筋骨呈露曰筋瘦屬肝赤脉交結曰血瘦屬心  
皮色不變曰肉瘦屬脾憂喜消長曰氣瘦屬肺堅  
硬不移曰石瘦屬腎治宜消散自然縮小切不可  
輕用刀針掘破出血不止多致危亡久則膿血崩  
潰滲漏不已終致傷人

正宗

又曰筋瘤堅而色紫纍纍青筋盤曲甚則結若蚯蚓  
此乃肝統筋怒動肝火血燥筋攣而成也治當清  
肝解鬱養血舒筋爲主清肝蘆薈丸主之

又曰血瘤微紫微紅軟硬間雜皮膚隱隱纏若絲縷  
色紅擦破血流禁之不住此乃心主血暴急太甚  
火旺逼血沸騰復被外邪所搏而成也治當養血  
涼血抑火滋陰安斂心神調和血脈爲主芩連二  
母丸主之

又曰肉瘤軟若綿硬似餛飩皮色不變不緊不寬終年



只似覆肝此乃脾主肌肉鬱結傷脾肌肉消薄土  
氣不行逆於肉裏而爲腫也治當理脾寬中疏通  
戊土開鬱行痰調理飲食爲主加味歸脾湯主之  
又曰氣痛軟而帶堅皮色如故或消或長無熱無寒  
此乃肺主氣勞傷元氣腠理不密外寒搏而爲腫  
也治當清肺氣調經脈理勞傷和榮衛爲主通氣  
散堅丸主之

又曰骨瘤形色紫黑堅硬如石疙瘩高起推之不移  
昂昂堅貼於骨此乃腎主骨恣慾傷腎腎火鬱遏

骨無榮養而爲腫也治當滋補腎氣養血行瘀散  
腫破堅利竅爲主調元腎氣亢主之

又曰粉瘤紅粉色多生耳項前後亦有生於下體者  
全是痰氣凝結而成宜用披針破去脂粉以三品  
一條鎗插入數次化盡內膜自愈

又曰黑砂瘤多生鬢腿腫突大小不一以手攝起內  
有黑色是也亦用披針刺內出黑砂有聲軟硬不

一  
又曰髮瘤多生耳後髮下寸許軟小高突按之不痛

針之粉髮齊出

又曰蛔虫瘡生於脇下

又曰蛆瘡生於肩膊

又曰虱瘡破之虱出但諸瘡形狀之異皆由五臟濕熱邪火濁氣瘀血各感而成非正病耳

又曰小兒胎瘡初生頭上胸乳間腫起大者如饅小似梅李此乃胎中瘀血凝滯而成須候小兒滿月之後方可用針刺破內如赤豆汁則安內服五福化毒丹卽愈

又曰治瘦之法初起元氣實者海藻玉壺湯六軍丸  
久而元氣虛者琥珀黑龍丹十全流氣飲選而治  
之

薛立齋曰癭瘤諸症祇宜服藥消磨切不可輕用刀  
針掘破血出不止多致立危醫家病家均當慎之  
萬勿猛浪

馮魯瞻曰瘦則着於肩項痛則隨氣凝結戒食厚味  
忌妄破决五癭皆不可妄决破惟胎癭破而去其  
脂粉則愈

錦囊

李東垣辨癰疽法若發腫都軟而不痛者血瘤也發腫  
日漸增長而大不熱時時牽痛者氣瘤也氣結微  
腫久而不消後亦成膿此是寒熱所爲也留積經  
久極陰生陽寒化爲熱以此潰必多成癰宜早服  
內塞散以排之諸癰瘤疔贅等至年衰皆自內潰  
理於年壯可無後憂

十書

百效全書曰夫癭瘤皆因氣血凝滯結而成之癭則  
喜怒所生多着於肩項皮寬不急垂垂而重者是  
也癰則隨留所住初如梅李之狀皮嫩而光漸如

杯卵者是也。瘦雖有五瘤則類多不痛不癢切不可決破。恐膿血崩潰滲漏無已，必致殺人。惟肉瘤更不可攻療。如脂瘤氣瘤體氣亢實者如海藻散，堅尤東垣散腫潰堅湯，多服亦可消散。如虛弱者又宜斟酌，不可純用化痰行氣破堅之藥。

靈樞云：虛邪之入於身也，深寒與熱相搏，久留而內着。寒勝其熱則骨疼，肉枯熱勝其寒則爛肉腐肌。爲膿內傷骨內傷骨爲骨蝕，有所疾前筋。

疾前二字衍文

也筋當作結筋結不得伸邪氣居其間而不及發爲筋

瘤有所結氣歸之衛氣留之不得反津液久留合  
爲腸瘤久者數歲乃成以手按之柔已有所結氣  
居爲昔瘤以手按之堅有所結日以易甚連以聚  
歸之津液留之邪氣中之凝結深中骨氣因於骨  
骨與氣併日以益大則爲骨疽有所結中於肉宗  
氣居之邪留而不去有熱則化而爲膿無熱則爲  
肉疽凡此數氣者其發無常處而有常名也刺節  
篇○此皆虛邪中人爲病弗去而  
久留着故積歲累月而成疽瘤也

三因云瘦多着肩項瘤則隨氣凝結

岐天師曰癭瘤不同癭者連肉而生根大而身亦大  
瘤者根小而身大也卽瘤之中又各不同有粉瘤  
有肉瘤有筋瘤有物瘤筋瘤不可治亦不必治終  
身十載不過大如核桃粉瘤則三年之後彼自然  
而破出粉如線香末出盡自愈亦不必治也肉瘤  
最易治用水銀硃砂各一錢血竭兒茶各三錢黃  
栢五錢冰片麝香各三分共爲細末將此藥擦於  
瘤之根處隨擦隨落根小者無不落也物瘤則根  
大最難治不時而動無故而鳴或如虫鳴或如鳥



瘡醫大  
啼必須用刀破其中孔則物自難居必然突圍而  
出後用生肌神藥則瘡化爲水平復如故矣 秘錄  
又曰物瘡乃不敬神鬼觸犯歲君而得病不可測非  
理可談故內經不言然世未嘗無此病也

又曰癭固不同形亦各異然皆濕熱之病也由小而  
大出大而破由破而死矣初起之時卽宜用小刀  
割破畧出白水以生肌散敷之立愈倘若失治漸  
漸大來用藥一點點其陷處半日作疼出水其色  
白者易愈如黃者紅者皆難愈

張仲景曰人有手臂生瘡變成大塊更有肚上生瘡  
結成頑塊終年不去者或如拳頭大者必須用刀  
割去人必暈絕不可學也止用小刀畧破其皮一  
分後以化毒丹敷之卽化爲水此方神奇不可輕  
視如足上生瘤如斗大者不必破碎治之止用針  
輕輕刺一小針眼以化毒丹敷之必流水不止急  
用煎方治之方用人參黃芪各三兩生甘草薏苡  
仁各五兩白芥子三錢水煎服二劑卽消盡其水  
而人絕無憊色此內外雙治之法然此方之妙乃

參事方名  
補其本源之氣又利水而不走其氣刺其孔而出  
水未免大損元氣今補其氣又何懼水之盡出哉  
此方之所以奇也妙也

岐天師曰人有喉患大腫又非癭瘤忽痛忽不痛外  
現五色之紋中按之半空半實此乃痰病結成似  
瘤非瘤似癭非癭也宜消痰湯主之此方乃消上  
焦之痰聖藥也又有海藻昆布以去癭瘤之外象  
消其五色之奇紋妙在消痰而仍不損氣則胃氣  
健而痰易化也一劑知二劑消大半三劑則全消

四劑永不復發此方兼可治瘦症神效

秘錄

癭瘤門主方

清肝蘆薈丸

正宗

治惱怒傷肝肝氣鬱結而爲癭堅硬色紫壘藥  
青筋結若蚯蚓遇喜則安遇怒則痛者服之

生地黃

酒煮搗膏

當歸

白芍藥

川芎

各二兩

甘草節

昆布

川黃連

青皮

海蛤粉

牙皂

蘆薈

各五錢

共爲細末神麩糊丸桐子大每服八十九白湯

量病上下食前後服之無不有效

通氣散堅丸

治憂鬱傷肺致氣濁而不清聚結爲瘤色白不赤軟而不堅由陰陽失度隨喜怒消長者宜服

黃芩

酒炒

石菖蒲

當歸

製半夏

陳皮

香附米

川芎

天花粉

海藻

白茯苓

甘草

陳枳殼

桔梗

川貝母

人參

膽南星 各等分

研細薄荷煎湯疊九寒豆大每服一錢食遠燈  
心二十根姜三片泡湯送下

琥珀黑龍丹

治五癭六瘤不論新久但未穿破者並效

天南星 姜汁拌炒 京墨 五靈脂 炒

海帶 海藻 各五錢 血竭 二兩

琥珀 一兩 廣木香 三錢 麝香 一錢

各研細和勻煉蜜丸一錢重金箔爲衣晒乾密

貯每服一丸熱酒一杯量病上下食前後化服  
如患在下部服後用美物壓之

破結散 錦囊

治五癭極佳丹溪曰癭氣先須斷厚味

麥麩 四分 松蘿 半夏

貝母 海藻 洗 龍膽草

海蛤 通草 昆布

枯礬 各三分

研末酒服一錢日三忌鯽魚猪肉五辛生菜毒



物二十日愈 一方加青皮

點瘤贅神驗方

凡瘤有六骨瘤脂瘤肉瘤膿瘤血瘤粉瘤膿瘤  
卽膠瘤也惟粉瘤與膿瘤可決餘皆不可決潰  
肉瘤尤不可治治則殺人

桑柴灰

棗木灰

黃荆灰

蕎麥灰

桐殼灰

各二升  
五合

以沸湯淋汁三碗澄清入斑猫四十個穿山甲  
五片乳香冰片不拘多少煎作二碗以磁器盛

之臨用時入新石灰調成膏敷瘤上乾則以清  
水潤之其效如神

枯瘤方

治瘤初起成形未崩者及根蒂小而不散者用  
之

斑 猫二十個 輕粉 白砒

礪砂 礪砂 雄黃

黃丹 沒藥去油 乳香去油各一錢

大田螺三者去殼切片晒乾

共研極細糯米粥調勻捏作小碁子樣晒乾先  
炙瘡頂三壯以藥餅貼之上用黃栢末水調敷  
蓋藥餅候十日外其瘡自然枯落次用歛口藥  
歛之

秘傳歛瘡膏

瘦瘡枯藥枯落後用此搽貼自然生肌收口

血竭

海螵蛸

象皮

乳香

去油

輕粉

龍骨

各一錢

研極細用雞蛋十五枚煮熟去白將黃熬油一

小杯將藥和勻每日早晚用甘草湯洗淨患上  
雞翎塗之膏藥蓋貼

灸法

先將瘤上用麪包好然後照其大小用杏核或桃  
核半個內填極乾人糞合瘤上以艾圓灸之知痛  
卽止

秘方

用竹刺將瘤頂畧畧撥損油皮勿令見血入銅綠  
細末少許膏蓋自消

又方

極細生鐵屑醋拌放銅杓內煨乾再拌再煨如此  
三度研極細再以醋調敷上便覺痛上不甚適意  
過一宿剝去再敷以平爲度

瘤生面上初起

鮮蒲公英摘斷以白漿點瘤上乾了又點數日全

消

丹瘤

朱丹溪

草薺子去殼研入麪一匙水調搽之甚效

生肌神散 岐天師

治物瘤割破以此搽之

石

灰

千年者佳

三七根

麒麟竭

各三錢

人參

象皮

乳

香

去油

沒

藥

去油

木

香

各一錢

兒

茶

二錢

輕

粉

五分

各爲絕細末研至無聲爲度修合時須用端午日不可使一人見之

點瘰法

岐天師

用此點在瘻之陷處半日作疼必然出水

水銀

鷹糞

綠礬

鵲糞

皂礬

輕粉

硼砂

各一錢

潮腦

冰

片

各五分

麝香

三分

研爲絕細末用針刺一小孔然後乘其出血之時將藥點上卽粘連矣約用一分以人乳調之點上如雞頭子大一日點三次第二日必然流水流水之時不可再點點則過疼轉難收口矣

三日後必水流盡而皮寬如袋後用煎方自然平復如故

煎方

黃芪

薏苡仁 各一兩 人參

山藥

各三錢

白芍

白茯苓 各五錢

澤瀉

瀉二錢

猪苓

生甘草

陳皮

各一錢

水煎服十劑全消如故但忌房事一月餘無所忌若犯房事必破不能收口終身成漏矣



消痰湯 岐天師

白茯苓 五錢

海藻

半夏

貝母

白芥子

天南星

人參

桔梗 各三錢

昆布

生甘草

各一錢

附子 一分

水煎服

化毒丹

張仲景

人參 三錢

甘草 一錢

硼砂

冰片

各一分

輕粉 五厘

各爲細末和勻摻上卽化爲水矣

灰漿膏 胡公弼

消瘤神效

天南星

半

夏 各一兩 草

烏 煨存性  
五錢

三味煎濃汁去渣入木蓮蓬蒂上白漿一二兩

採時以蛤蚧殼在蒂上刮取 攪勻再用石灰 以竹片撥炒俟竹片焦黑成炭

爲 徐徐投下調成不稀不厚膏子入磁瓶收貯

黃蠟封口用時如乾以唾津潤開敷瘤上或木

蓮蓬漿潤敷尤妙二三日卽愈

消瘤 程葑門

銀爐上飛灰一斗入水煎數十沸用棉布濾去渣  
取清汁入川大黃八兩煎好濾去大黃不用 又  
用礬石灰一觔放鉢頭內將灰汁傾入鉢內 再  
入蟾酥生南星各三兩研爲細末和入汁內收貯  
看瘤大小用羊毛筆蘸汁掃瘤上一日掃十二三  
次三日自枯其瘤落下如去皮石榴將白靈藥摻  
之三日消盡又用紅升藥摻上生肌長皮再上鉛  
白霜自然全愈

消瘤法

俟人家入殮時釘棺斧聲敲一下以手按瘤一下  
斧聲歇亦止其瘤自消

頸上癭瘤不疼不痛俱是痰結

川黃栢

海藻 各一兩

研細收貯每用五分放手心上以舌舔之一日  
三五次即消

消瘤

礪砂

阿魏 各等分  
麝香 少許

研細末以大蒜搗爛看瘤大小敷之自消

### 禁瘤法

每年行此法一次其瘤卽不長大凡遇死屍將死  
人手在瘤上一摸可保一年不長次年又行此法  
又保得一年不長終身行之則其瘤皆如初起時  
也若空一年不用死人手摸其瘤卽大

瘰癧



癩癧門主論

寒熱篇帝曰寒熱癩癧在於頸腋者皆何氣使然岐  
伯曰此皆鼠瘦寒熱之毒氣也留於脉而不去者  
也鼠瘦之本皆在於藏其末上出於頸腋之間其  
浮於脉中而未內著於肌肉而外爲膿血者易去  
也帝曰去之奈何岐伯曰請從其本引其末可使  
衰去而絕其寒熱按其道以予之徐徃徐來以去  
之其小如麥者一刺知三刺而已帝曰決其死生  
奈何岐伯曰反其目視之其中有赤脉上下貫瞳

子見一脉一歲死見一脉半一歲半死見二脉二歲死見二脉半二歲半死見三脉三歲死見赤脉不下貫瞳子可治也

外臺秘要曰肝腎虛熱則生癰

病機云癰癰不係膏梁丹毒火熱之變總因虛勞氣鬱所致止宜以益氣養榮之藥調而治之其瘡自消不待汗之下之而已也

朱丹溪曰癰癰必起於足少陽一經不守禁忌延及足陽明經食味之厚鬱氣之久曰毒曰風曰熱此



三端拓引變換須分虛實實者易治虛者可慮此  
經主決斷有相火且氣多血少婦人見此若月水  
不調寒熱變生稍久轉爲潮熱自非斷慾食淡神  
醫不能療也

又曰灸療癱法取肩尖肘尖骨縫交接處各一穴即

陽明經肩顛各灸七壯在左灸左在右灸右左右

曲池二穴也

俱病者俱灸之余常用之甚效薛氏以曲池云

附膠似未的也

薛立齋曰凡男子婦人若因恚怒傷肝氣血壅遏而  
不愈者宜灸此穴以疎通經絡如取此穴當以指

甲插兩肘兩肩四所患處覺有酸麻方是其穴此  
治癩癰之秘法也

戴復庵曰癩癰之病皆氣血壅結根在臟腑多結於  
頸項之間繫繫大小無定發作寒熱膿血潰爛此  
沒而彼起

王肯堂曰單窠癰者生一個也發於頸項最難治或  
發於顛骨亦難治用毒藥療之勿令浸漬日久

準繩

又曰蓮子癩一胞髮十數枚生於項之左右以手觸  
則能轉動尚可用藥治療如堅硬挨不動者乃不

可生憎寒發熱躁渴凡遇此證至難治雖神聖亦無如之何也已

又曰重臺癰生於頸項或左或右初則單窠結在上或在下重疊見之是名重臺癰此證藥不可療不可針灸若是毒行其腫痛發渴生痰百死一生害人極速初覺有之急用小犀角丸粉金散治之又曰燕窠癰形似燕窠不可治

陳遠公曰有生痰塊于項堅硬如石久則變成癰癰流膿流血一塊未消一塊復長未幾又潰或耳下

或缺益或肩上脇下有串走之狀故名鼠瘡又名串瘡言如鼠之穿也人謂食鼠竊餘以成此症而不盡然也蓋此症多起于痰痰塊之生多起于鬱未有不鬱而生痰無痰而成癩癧者也故治法必以開鬱爲主然鬱久氣血必耗况流膿血則氣血更虧消痰而不解鬱解鬱而不化痰皆虛其虛也

消串丹 白芍 一兩 白朮 一兩 柴胡 二錢 蒲公英 三

錢 茯苓 五錢 陳皮 一錢 附子 一片 甘草 一錢 天花

粉 三錢 紫貝天葵 五錢 水煎服八劑痰塊漸消又

十劑盡化又一月全愈愈後服六君子湯爲善後  
計不再發也此方妙在蒲英天葵爲消串神品然  
非佐以柴芍則肝木不平非助以苓朮則脾胃土  
不健又何能攻痰破塊哉惟有攻有補又得附子  
之力引各味直擣中堅所以能除風痰于旦夕耳

水鑑

又曰有久生瘰癧頸間盡爛且及于胸膈無非痰塊  
以至身體發熱發寒肌肉消瘦不思飲食自汗盜  
汗驚悸恍惚此症原難醫治然治得法亦在可救

也夫此症初起宜解鬱爲先佐之補虛以消其毒  
倘執尋常治法以祛痰敗毒爲事鮮不速之亡矣  
川轉敗丹人參 二兩 柴胡 二錢 白芍 三錢 金銀花  
三兩 當歸 二兩 半夏 五錢 白朮 一兩 生甘草 三錢  
水煎服四劑痰塊在胸者盡消又四劑頸上潰爛  
亦愈將方減半再服十劑瘡口盡平不再發也此  
方補多于消而開鬱寓于中化痰存于內人從未  
有知此治法但一味攻毒所以愈壞也殺運無窮  
神方難信人見此方無不訕笑者誰知乃祛病之

仙丹奪命之異藥哉余不勝掩卷嘆息也

陳實功曰夫癩癰者有風毒熱毒氣毒之異癩癰痰  
癰筋癰之殊當察而治之風毒者乃外受風寒搏  
於經絡先寒後熱結核浮腫治當散其風除其濕  
熱毒者乃天時亢熱暑中三陽或內食膏粱厚味  
釀結而成色紅微熱結核堅硬治當清其脾瀉其  
熱氣毒者乃感冒四時殺厲之氣而成其患耳項  
胸腋驟成腫塊令人寒熱頭眩項強作痛治當調  
其血和其氣癩癰者纍纍如貫珠連接三五枚其

患先小後大不作寒熱初不覺疼日久漸痛堅硬如碁子大小如梅李繞頸延腋得之於誤食虫蟻鼠殘之物又或汗液宿水陳茶混入而殮乃食毒鬱結之久病也最難消散治當散其堅和其血痰癰者初起如梅如李生及遍身久則微紅後必潰破易於收斂此乃飲食冷熱不調饑飽喜怒不常多致脾氣不能傳運遂成痰核治當豁其痰行其氣筋癰者生於項側筋間形如碁子堅硬大小不一或陷或突久則虛羸多生寒熱勞怒則甚此乃



憂愁思慮暴怒傷肝故令筋縮結蓄成核治當清  
其肝解其鬱

正宗

又曰如寡婦尼僧鰥夫庶妾志不得發思不得遂積  
想在心過傷精力此勞中所得者最難調治有此  
先養心血次開鬱結益腎安神疎肝快膈如歸脾  
湯益氣養榮湯俱加香附青皮山梔貝母木香之  
類是也

又曰男子不宜太陽青筋潮熱咳嗽白汗盜汗女人  
忌眼內紅絲經閉骨蒸煩熱後必變爲癆瘵忌用

巴霜牽牛斑猫大黃追蝕等藥往往尅伐太過致其危亡者多矣切宜戒之慎之

又曰蛇蟠纏繞項起核者是

又曰耳項胸腋驟成腫核色紅微熱寒熱頭痛此乃風寒暑熱之暴病也此證易於消散宜用劑防敗毒散加貝母夏枯草不應再加軟堅開鬱之品

又曰爪簾癰白頸項延及胸腋者是

馮魯瞻曰凡頸項眉頰結核久礙皆爲氣血大虛切

勿攻尅

錦囊

又曰癩癧者先賢名曰九漏是由其人陰虛火盛衝  
擊關津管束之處而又過食燔炙風痰熱毒相搏  
而結成頑核鬱滯不散久則內潰而爲癩癧治宜  
養陰和肝理脾舒鬱化痰清利切勿徒事剋伐以  
損真元若夫嬰兒產下因胎毒而卽患者此稟母  
之肝膽二經火鬱氣滯亦宜平肝滋腎化毒爲主  
蓋癩癧之源雖由於肝實根於腎夫肝火之有餘  
乃腎陰之不足也故其本在臟其末上山頸腋之  
間若浮於脉中未著於肌肉而爲膿血者易去也

若反其目而視之赤脉貫於瞳人如見一脉卽一歲死見一脉半卽歲半死二脉三脉亦如之若赤脉不見者庶可治也其始必止發一枚次必連生大小十數纏繞項下先腫作膿穿破難乾故名漏項若在胸傍或兩脇者此名馬刀至若其口深黑內潰蝕爛穿透咽喉飲食不進目腫舌出耳出黃膿者不治更有無故寒熱身體頸項結核如癰及心胸腹背皆有堅核而不痛者此名爲結風氣腫也審其是風是火或虛或實治之

又曰癰癧者手足少陽蘊熱結滯而致也二經多氣少血所以結核堅而不潰延蔓串通若陽明經則氣血多而潰矣即俗名爛癧惟少陽起者當從本治俗醫不知槩以毒藥攻之如負薪救火爲害更甚元氣弱者反成癆瘵矣

又曰夏枯草能散結氣而有補養血脈之功能退寒熱虛者儘可用之若實者佐以行散之藥外施艾灸亦漸取效

又曰凡結核或在項或在臂或在身或在耳後或在

頂門如腫毒不紅不痛不作膿者多是痰注氣滯不散不外乎曰痰曰氣曰熱三者久而不已則成癰癧宜早治之大抵因七情之氣鬱結或因飲食之時觸犯惱怒遂成此疾婦人女子患此最多治宜開鬱順氣利膈化痰清肺然未有不由陰虛火旺而有癰癧根脚者更宜兼乎補陰乃其治也

周文采曰癰生於頭項上交接各蛇蟠癰宜早治之  
改立

李東垣曰癰癧結核寒熱發渴經久不消者其人面

色痿黃潮熱上蒸已成膿也 十書

申斗垣曰九漏癰名曰狼漏其根在肝因所欲不遂  
蓄怒而得曰鼠漏其根在胃因食鼠殮之物胃受  
毒而播於肝曰膿漏其根在膽因志不遂而得之  
曰蠖蝓漏其根在大腸因食蠖蝓及蝎虎所傷之  
物誤食之而得曰蜂漏其根在脾因食蜜物及蜂  
毒得之曰蜈蚣漏其根在肺因食蜈蚣所遊之物  
而得之曰齧螬漏其根在心因喜之太過而得之  
曰癰癰漏其根在腎因食血髮及諸腎得之曰轉

脉漏其根在小腸因驚恐失枕而得之故癩癧古  
人稱爲九漏此之謂也

晉漢卿曰獨形者爲結核續連接結者爲癩癧此證  
原非膏粱之變乃虛勞氣鬱所致宜服益氣養榮  
之劑忌用金石暴悍之法徒傷氣血

又曰潰後宜十全大補湯加貝母香附遠志

汪省之曰癩癧初起者用四稜鐵環按定針一孔以  
紙撚紐之勿令合口以絕其源功效甚速

理例

胡公弼曰夫癩癧者乃頸項堅結之核也或在耳前



或在耳後或在耳下皆屬手足少陽經多氣少血之患也初如豆粒相似不覺疼痛及後長如桃榴梅李之狀方見疼痛頭眩昏悶四肢作痛作脹寒熱往來如瘧書云有痰核有氣瘰有風癰有筋癰有血癰有串頸鼠尾癰頭未破時如彈丸相似或一枚或三五枚或多不計其數纍纍連連貫串沿漫血脹皮薄而自破出膿者有之浸淫潰爛者有之或醫家以刀針爛藥刺破者亦有之年深日久竟不能痊者亦有之殊不知此證原是七情傷於

內血氣滯於外氣多血少痰多壅盛致傷於肝肝  
主筋故此毒結於胸膈上焦之處結於耳前及頤  
頰至缺盆者名曰癰癧此手少陽三焦經證也凡  
看癰癧不宜過心過心者必死只問推之動與不  
動不問大小枚數破與不破須察推之動者易治  
不動者難醫辨明五善七惡不可一例混治大法  
宜用火針針破其核將藥線插入六七次看瘡大  
小大則多換小則少換量核淺深務潰其根或爛  
斷血筋血流不止者速以百草霜摻之病人若血

去多而暈治當補血外用敷藥敷癰四圍其核自  
脫脫後換用生肌藥長肉收功

青囊

劉河間曰結核者乃火氣熱甚則鬱結堅硬如菓中  
核也不須潰發但熱氣散則自消

朱丹溪曰結核或在項在頸在臂在身皮裡膜外不  
紅不腫不硬不痛多是痰注作核不散當問平日  
好食何物吐下後用藥散核

又曰結核在頸項用白殭蚕炒大黃酒浸青黛膽南  
星各等分蜜丸噉化核在下頰用二陳湯加酒炒

大黃柴胡桔梗連翹核在臂二陳湯加連翹防風  
川芎酒苓蒼朮皂角針白僵蚕麝香行太陰厥陰  
之積痰使結核自消甚捷風熱結核用大連翹飲  
加白僵蚕牛蒡子如風核以去風消核散常服消  
之

又曰凡一切風核疼痛用大蕎麥根葫蘆根磨末半  
消半醋煖塗之

蔣示吉日如癩癧證男子骨蒸女人經閉已成壞證  
若專攻其癩是速其斃也理宜調理脾胃補養氣

血使根本既固然後再理其痞庶有可生之機也  
說約

又曰癰癧之作七情六慾痰飲鬱熱積久而成實非  
一朝一夕之故也故當以益氣養榮爲主而佐以  
治癰之品蓋恐榮衛一衰變症蜂起雖欲治癰而  
不可得矣

又曰凡遇癰癧等症須察虛實不得盡劑追伐損傷  
元氣致成壞病者十有八九此非患者之命自出  
醫人之手不得不留心斟酌

聖濟總錄曰癩癧在耳後頤項缺盆乃手少陽三焦經主之

內經曰陷脉爲癧留連肉腠卽此病也

病機云癩癧不詳脉證經絡受病之異者下之則犯經禁病禁虛虛之禍如指諸掌

劉河間曰癩癧生於耳後及項間一名九子包又名老鼠瘡其突起者名癩癧也多起厥陰少陽二經以其多氣少血故也由嗜慾太甚飲酒太過食味太厚思想太窮所願不遂意滯於外內蘊七情中

傷六慾或傳染或誤治種類不同爲害則一男子  
患此潮熱頓生女子患此月經不調漸漸不治神  
仙難救神方於初起或二三核時耳後項下有連  
珠就於初起大核之上着艾炷灸之每核上各灸  
六七壯或十餘壯更於肩井風池肺腧缺盆穴上  
各灸三壯真起死回生之妙法可收全功今人不  
行艾灸之法而聽下工敷貼鈎割多取喪亾之咎  
治宜養血清神化痰散鬱更宜清心養性淡味節  
食可保終吉以症生於富貴膏粱之人多費調理

以味厚慾深故也生於藜藿之人可保無虞以味淡慾少故也古云膏藿不同治正此義也

心法曰癩癧小者爲癩大者爲癧當分經絡如生項前屬陽明經名爲痰癩項後屬太陽經名爲濕癩項之左右兩側屬少陽經形軟遇怒卽腫名曰氣癧堅硬筋縮者名爲筋癧若連綿如貫珠者卽爲癩癧或形長如蛤色赤而堅痛如火烙腫勢甚猛名曰馬刀癩癧又有子母癧大小不一有重臺癧癧上堆巔三五枚盤疊成攢有繞項而生者名蛇



盤癰如黃荳結莢者又名鎖項癰生左耳根者名  
蜂窩癰生右耳根者名惠袋癰形小多癢者名風  
癰頷紅腫痛者名爲燕窩癰近及胸腋者名瓜籐  
癰生乳傍軟肉等處者名瘰癧癰生於偏身漫腫  
而軟囊內含硬核者名流注癰獨生一個在顙門  
者名單窠癰一包生十數個者名蓮子癰堅硬如  
磚者名門門癰形如荔枝者名石癰形如鼠形者  
名鼠癰又名鼠瘡以上諸癰推之移動爲無根屬  
陽外治宜因證用針灸敷貼蝕腐等法推之不移

動者爲有根且深屬陰皆不治之證也切忌針砭  
及追餽等藥如妄用之則難收斂瘰癧形名各異  
受病雖不外痰濕風熱氣毒結聚而成然未有不  
兼悲怒食鬱幽滯謀慮不遂而成者也

癩癧門主方

紫霞膏

治癩癧初起未成者貼之自消已成未潰者貼之自潰已潰核存者貼之自脫並治諸色頑癩  
癩瘡濕痰濕氣新久癩瘡疼痛不已者並用之

明淨松香

淨末一兩

銅

綠

淨末二兩

用麻油四兩銅鍋內先熬數滾滴水不散方下  
松香蒸化次下銅綠熬至白烟將盡其膏已成  
候片時傾入磁罐凡用時湯內燉化旋攤旋貼

癩癧初起已潰未潰並治

苦杏仁

去皮尖

草薢仁

去衣四十九粒

松

香

研細末一兩

先將杏仁搗至無白星爲度再入草薢仁搗如泥方下松香再搗干下攤貼

千槌膏

初起貼之自消將潰貼之毒從毛竅中出不致穿潰

杏仁

草薢仁

各四十

琥

珀

燈心全

冰片

各三分

珍

珠

豆腐包

麒麟竭

當門子

乳

杏去油

沒

藥去油

銅綠

黃丹

龍骨

輕粉

各六分

水安息

元眼肉大三塊

松香

入鍋內小火化開用蘇布濾去渣冷定用豆腐水煮數次再用菜豆湯煮三次又用

葱韭生姜汁各一鍾煮乾研細末八錢

先將杏仁草麻搗如泥次將前藥細末逐漸加

入槌千餘下用大紅緞攤貼忌見火若內覺有

膿未熟恐穿潰難於收功可加木鱉子

去殼黑七枚

鹽蹄

研細五分

於膏內即能隔皮取膿

又方

羌活 獨活 白芷 細辛

龜版 亂髮 防風 當歸

全蝎 蜈蚣

各三錢

用麻油一觔浸一日煎時柳枝頻攪藥枯去渣  
再熬至滴水成珠然後下東丹

木飛炒透半觔白蠟兒

茶各二錢離火片時下麝香五分不可過多

琥珀膏

治療癰及腋下初如梅李結腫硬強漸若連珠

不消不潰或潰膿水不絕經久不瘥漸成漏症

琥珀一兩

廣木香

丁香各一錢

桂心

硃砂

松香

以上研細不入油熬

當歸

木通

防風

木鱉子

淨肉

草薢仁

白芷各五錢  
咀片

蘇油二觔二兩浸七日入鍋內慢火熬至焦黃

爲度絹濾淨油徐下黃丹

飛炒四兩

以柳枝不佳手

攪候至膏成滴入水中軟硬得中掇下鍋來以

盆頓穩攪至烟盡方下羣藥攪勻磁器盛之臨

用取少許攤貼

辨變丸

辨變虫不拘多少焙乾研末紅棗去衣去核共搗  
爲丸桐子大每清晨白湯送下三錢

鼠癭馬刀

凡服此丸宜先服六味地黃湯加益母草三劑  
再服此丸

大枳殼

七個切作十四片滾水泡軟去穢每兩片  
內納斑貓一個大黃九分兩片合緊用線  
紮好入砂鍋內放半砂鍋水煮至水乾  
爲度去斑貓大黃只取枳殼曬乾研細



煉蜜丸如棗豆大每日三服每服三分白湯下

鼠癭土瓜丸 吳涓采

已潰未潰並效

土瓜根 白 芨 澤蘭葉

漏 蘆 胡桃肉 射 干

夏枯草 沙 參 各三兩 草連翹 去心六兩

磨細酒糊為丸桐子大每服三十九小兒減半

空心鹽酒下

消癭丸

此方奇效愈者不可勝計可刊方普送

玄參

蒸

川貝母

去心蒸

牡蠣

火煨

醋淬各四兩

磨細煉蜜爲丸每服三錢白湯下日二服

神效消癰丸

大熟地

三兩

澤瀉

白茯苓

山藥

山萸肉

各一兩

玄胡索

牡丹皮

牡蠣

各一兩二錢

磨細煉蜜爲丸桐子大每服三錢白湯送下

一方用玄參無玄胡索

消癰丸

夏枯草

連翹

草薢仁 各四兩

磨細裝入健猪大腸一段內兩頭紮緊酒浸蒸爛搗丸如桐子大每服五十九酒下

癰癧未破者

大五楮子一個挖一孔入南蜈蚣一條切作數段裝入楮子內以醋麩裹作一球用麩子半碗全炒以麩焦爲度剝去外面麩球取去內裏蜈蚣只用楮子研細醋調敷

已潰

健猪膽汁三個傾入銅杓內慢火熬至滴水成珠  
再加輕粉一錢冰片三分攪勻攤貼

癰串初起

豆腐店浸豆水濾清用砂銚慢火熬膏每早白湯  
沖服數匙癰上亦以此膏敷貼

鼠癰初起

紫花地丁

四兩

火

酒

一觔

浸七日飲之自愈

加味逍遙散

治肝經鬱火致生瘰癧並胸脇脹痛或作寒熱甚至肝熱生風眩運振搖或咬牙發瘧諸證經云木鬱達之是已

柴胡

薄荷葉

白朮

白茯苓

當歸

山梔仁

甘草

牡丹皮

白芍

水煎服

瘰癧煎方

初起自消

大貝母

一錢五分

夏

當歸尾

穿山甲

炒

白茯苓

白附子

連

翹

各一錢

桔梗

廣皮

枳

殼

各入分

白僵蚕

一錢五分

甘草節

五分

加燈心十根全煎服四劑換服海龍丸

海龍丸

海藻

酒洗炒

昆

布

酒洗炒

白茯苓

炒

穿山甲

炒各二兩

全

蝎

一百個尾全者

龍膽草

酒洗炒一兩五錢

當歸身

炒一兩

核

桃

五十個劈開去肉將全蝎嵌在核內合緊煨存性

研細蕎麥麵打糊爲丸桐子大每早晚白湯送  
下三錢酒下亦可

治癰奇方

全蠲七個 桃殼六個每殼裝蠲一個五個殼裝  
去五個蠲子仍有一殼裝兩個全蠲以麩包煨熟  
研末作六包用黃酒調服每日服一次將兩個蠲  
子這一服作個記號留爲末服服完隔兩三日如  
未全愈可照此方再製一兩料服之自必全愈矣  
服此藥每日須肉食滋養

又方

真牛黃 二錢

全

蝎

一百枚去淨頭尾  
脚用新瓦焙存性

研細以核桃肉搗丸如桐子大每服二十九空心白湯送下 如患處破皮便將取下蝎頭尾脚焙研細末搽上再以膏貼二十一日即愈永不再發 製藥須擇成間除日修合

藥酒方

摩羅籐

夏日用鮮者二觔陳木瓜酒五觔燒酒五觔冬



月用枯者四觔陳木瓜酒八觔燒酒二觔入小  
口瓦罈用濕麵糊罈口重湯煮一炷香爲度每  
食後隨量飲之常服除根

除癰方

活鱗魚四五寸長者竹刀剖去鱗腸入獨核肥皂  
子七個以黃泥爲匣入魚匣內上下用炭火燒煨  
無烟取出候冷研細每服三錢清晨木瓜酒下

又方

白亮松香研極細末以雄豬骨髓調搽卽愈三五

年各藥不效者用此方俱效只在研調敷之手法要緊用左手卽用左手到底用右手卽用右手到底研藥調藥熾藥俱要認定一隻手忌陰人拏

又方

夏枯草乃生血補虛消毒之聖藥或煎湯飲或浸酒飲癰上單用夏枯草煎濃膏塗之

益氣養榮湯

治抑鬱勞傷思慮太過心神俱憊以致四肢頸項筋縮結成纍纍如貫珠或硬或軟或赤或白

或痛或不痛日晡發熱及潰而不斂者並效

人參 白茯苓 廣皮 白芍藥

熟地黄 香附 當歸身 川芎

白朮 嫩黃芪 貝母各二錢 桔梗

粉甘草各五分

生薑三片大棗二枚煎服

胸膈痞悶加 枳殼 木香

飲食不甘暫加 厚朴 蒼朮

寒熱往來加 柴胡 地骨皮

膿多或清倍加

當歸 川芎

膿潰作渴倍加

人參 黃芪 白朮 當歸

脇下痞痛加

青皮 木香

肌肉生遲加

白薇 肉桂

痰多加

橘紅 半夏

口乾加

麥冬 北五味子

發熱加

柴胡 黃芩

渴不止加

知母 赤小豆

膿不止加

人參 黃芪 當歸

潰後反痛加

熟附子沉香

虛煩不眠倍加

人參熟地遠志棗仁

桃竭散

治憂思鬱結痰留氣滯乃生瘰癧

大全竭二十一箇核桃二十一箇劈開去肉將竭裝入裝緊火煨存性每用一枚研末臨卧陳酒下  
孫真人治瘰癧初起並治潰爛久不收口

壁虎一條裹泥中火煨存性去泥研末臨臥陳酒

調下

治火鬱結核不拘男婦俱效

用交媾陰精塗搽如婦婦即以自已陰精塗之

大紅膏

治療癰痰核結塊不分新久但未穿破者並效

石

灰

一兩用大黃三錢切片  
全炒石灰紅色去大黃

滴乳香

去油

輕

粉

各二錢

銀

珠

血竭

潮腦

硝石

石

各三兩

天南星

二兩

右爲細末陳米醋熬稠調藥敷核上三日一換  
敷後皮嫩微損者另換紫霞膏貼之其核自消

氣癰

北煤炭搗碎用生桐油脚調敷白消

癰癰驗方

孫展鴻

多年點燈竹燈掛一個用火點着下置磁盤使油  
滴入盤內放土地上出火氣三日以鷄翎掃患處  
不過數遍已潰者自斂初起者自消

敷項下痰核癰塊內消法

明醫集

鮮山藥 一兩

草薢仁 四兩

共搗成膏敷上即消

冰礮散

治療癰日久堅核不消及服消藥不效者用此

點落癰核如馬刀根大面小及失榮等症忌用

大田螺肉

五枚日中  
線穿曬乾

砒

一錢二分麩  
包煨熟

真番礪砂

二分

冰片

一分

先將砒礪研細再將礪片研勻小罐密收凡用

時先將艾炷灸核上七壯次後灸瘡起泡以小

針挑破將前藥一二厘津唾調成餅貼灸頂上

用綿紙以厚糊封貼核上勿動泄氣七日後四



邊裂縫再七日其核自落換搽玉紅膏內服補藥培助完口此藥又治瘦癩患大蒂小及諸般高突異形怪狀者並效

### 火針法

治癰癤痰核生於項間初起堅硬或如梅李結聚不散宜用此法針之插藥易消也

用縫衣大針二條將竹筍頭劈開以針尖夾縫內相離一分許用線紮定先將桐油一盞用燈草六七根油內排勻點着將針燒紅用手指將核捏起

用針當頂刺入四五分核大者再針數孔亦妙核  
內或痰或血隨即流出候盡以膏蓋之次日針孔  
必漸作膿輕者用黃藥線插之核堅硬者用冰嚙  
散糊打成條晒干插核針孔內外以紙糊二重封  
固次日其核發腫作痛不妨乃藥氣攻入於內候  
至七日外自然核外裂開大縫再至七日其核自  
落葱湯洗淨孔大換用玉紅膏搽入外以膏蓋內  
服益氣養榮湯或十全大補湯加香附兼戒勞動  
氣惱房事發物煎炒海腥等件

三品一條鎔

上品錠子去十八種痔中品錠子去五漏翻花  
瘦瘤氣核下品錠子治瘰癧疔瘡發背腦疽等  
症此爲古之三品錠子但藥同而分兩不同治  
病故有分別今註一條鎔本方三品以下之症  
並皆用之俱各相應况又藥品簡易而不繁是  
曰三品一條鎔之說也凡同志者隨試而用之

白 砒

一兩五錢

明

礬

二兩

乳

香

一錢二分

雄

黃

二錢四分

砒礬二味共研細末入小罐內加炭火煨紅青  
烟已盡旋起白烟片時約上下紅徹佳火取罐  
頓地上一宿取出約有砒礬淨末一兩加雄黃  
乳香共研極細厚糊調搗搓成如線條陰乾凡  
遇前症有孔者維入孔內無孔者先用針旋孔  
窠早晚插藥二次插至三日後孔大者每插十  
餘條插至七日患孔藥滿足方佳以後所患四  
邊自然裂開大縫共至十四日前後其疔核癩  
癰痔漏諸管自然落下隨用湯洗搽上玉紅膏

虛者兼服健脾之藥

癰瘡痰核噤藥 寶太師

昆布 酒洗 海藻 酒洗

大黃 酒拌蒸

白殭蚕 姜汁拌炒 真青黛 水飛

膽南星

連翹 各二兩 桔梗

柴胡

瓜蒌仁 川黃連 酒炒

片黃芩 酒炒

橘紅 各一兩

研細煉蜜丸如芡實大不拘日夜噙之

二貝丸 蕭純源

專消痰癥

硃

砂

七錢

大貝母

紫貝天葵

各二兩

海藻

海粉

明

礬

各一兩

共研細末用夏枯草二觔熬膏爲丸桐子大臨  
卧茶清送下三錢

人牙散

專消癰癤各種腫毒

人

牙

二兩

麝

香

五分

羌

活

酒洗六錢

研細煉蜜丸龍眼大白湯或酒磨服一丸

海上仙方

消癩癰如神

斑

貓一個去頭尾

紅娘子 一對

糯米 一升

三味入鍋全炒候米黃色爲度去斑貓紅娘子不用只喫炒米米盡則癩消矣

三陽酒

陸公節

遠年近日癩癰母論已潰未潰

三陽草卽蛇莓籐連籐葉紅菓採取二筋浸火酒十筋煮三炷香出火氣埋土中十四日取出每飲

數杯酒盡患愈

白菓葉散

吳氏家秘

能搗諸癩不使漫生卽能消散

珍珠

銀

粉各二錢

雄

黃

一錢

白菓葉

去梗尾上微火焙乾研末三錢

先將珍珠雄黃研末全蝦蟇心肝十副搗爛圍作癩瘡四邊再將白菓葉末銀粉好醋調搽癩瘡中心不過二次卽消破爛者用醋浸白菓葉

一晝夜貼破癩上



連翹丸

治項間結核寒熱往來日久不愈若患在面臂尤宜此丸

連翹 防風 黃栢 肉桂

淡荳豉 獨活 秦朮 桑白皮

牡丹皮 各五錢 海藻 二錢五分

右爲細末煉蜜丸棗豆大每服十丸燈心湯下  
內消瘰癧

栢樹葉搗爛敷核上以炒鹽熨之一日三五次以

消爲度

療癰母論已潰未潰

濟生

夏枯草熬膏食遠滾湯調服兼服十全大補湯加  
遠志肉貝母香附

又方

茜根一兩

雞

蛋

十個畧煮去殼  
再全茜根全煮

每次一枚食後全酒煮食之

內消散

吳中書

治癰核不拘久近已破未破

天花粉

苦

參

各五錢

皂角刺

四十九個

土茯苓

三觔

共煎湯當茶飲忌牛肉屢試屢驗奇異方也

治癰簡易方

枇杷葉

一觔四兩去毛梗淨焙燥爲末

冰

糖

一觔

和勻不拘時服白湯過口服完即愈

神效散

談莖翁試驗

未破用此即消已潰爛牽至兩肩胸腋茄子大

四五年不愈者其效如神

沉香 五錢

芫花 沙三錢

月季花 卽月月紅二錢

右剉碎取大鯉魚一尾放尿內遊死將藥入魚腹中就以魚腸封固酒水各一盃煮燕服之卽愈

初起神效方 回春

穿山甲 土炒

丁香

白丁香

苦丁香

紅小豆

磨刀泥

姜

去頭足酒炒

斑

貓去頭足酒炒各一錢

右爲細末每服一錢五更時無根水調服至未

時打下毒物其形如鼠後用野菊花焙黃爲末  
陳醋調敷一日一換七日全好

乳癰潰爛已見臙臙

抄本

土棟樹子

經霜者佳  
川棟不用

雄鼠屎

卽兩頭  
尖者

露蜂房

各三兩

俱煨存性爲末每服三錢酒調服間三日一服  
不數日膿盡自斂

癰癧 秘方

初起成塊未破者將麩捏成薄條照瘡大小畧攤  
患處作圈圍着再取槐樹根在土內掘出者白皮

數條照麩皮作圈放麩圈之上用艾作小丸放癰  
子中心灸之肉上畧覺痛卽拂去艾丸另取艾丸  
再灸三遍其麩圈不動只換槐根白皮三次連灸  
三日自消

一方

不拘已破未破

瀝

青好者一

草麻仁

四十九粒

杏

仁

去皮尖十粒半

共搗千餘槌自然粘軟成膏攤貼癰上神應內  
須服昆布海藻海帶貝母連翹甘草元參

消癰方 范令聞

真象牙末乳極細每服三分清晨煮熱雞蛋一個  
去殼蘸象牙末食之自消

內消癰癧驗方 周鶴仙

鼠糞七錢 大楓子五錢 巴豆三錢

共搗勻入大鯽魚肚內用紙包縛再用黃泥封  
固如法煨煉俟烟盡取出冷定研爲細末米糊  
爲丸菘豆大每服二錢空心黃酒送下十日全

消神效

療癰奇方

周鶴仙

雞蛋一枚頭打一小孔採綠萼梅花將開者七朵入蛋內封好煮熟去花食蛋如此七枚全愈

療癰秘方

何輪店驗過

鷄蛋七枚將蛋打一孔取活蝙蝠七枚每蛋一個裝蝙蝠一個封口放鍋內蒸熟取放陰陽瓦上逐個煨存性研細無灰酒調服一日服一次七日服完即效

療癰痰核三劑即消

王見宇



當歸尾

大黃

金銀花

各五錢

僵蠶

四錢

穿山甲

全蝎

夏枯草

連翹

皂角刺

生地

各三錢

赤芍藥

川芎

川貝母

白芷

各二錢

土木鱉

一錢去殼

酒水各一碗煎一碗空心服揷再煎服

癩癧仙方

劉氏家秘

兼治癰疽發背無名腫毒

穿山甲

四足上者佳四兩分四製

一兩用紫草

茸五錢煎煮甲片乾再晒

一兩用紅花

瘍醫大全

卷十八

癩癧

毒

顧氏秘書

五錢煎煮甲片乾再晒 一兩用猪牙皂  
角五錢煎煮甲片乾再晒 一兩用蘇木

五錢煎煮甲

片乾再晒

蜈

蚣

十六條分爲四製 四條用香油炙乾  
四條用醃醋炙乾 四條用血酥油炙乾  
四條用薑汁炙乾 此二味製畢俱  
要隨卽研末如多時就要回潮難研

每用穿山甲蜈蚣末各一錢再加

川歸尾

五錢

大黃

乳

香

去油

全蝎

沒

藥

去油

荆

芥

桔

梗

各二錢

蟬

蛻

二十個

僵

蠶

炒去絲二  
十五個

硃

砂

另研  
爲衣

羌

活

防

風

各二錢  
五分

連翹

黃芩各三錢

廣膠土炒淨一兩

雄

黃另研七分

蛇

蛻焙五錢

共爲細末好米醋打糊爲丸每丸重一錢二分入麝香五分在罐內養之收貯凡遇此證每用一丸研末溫酒調服未成內消已成催膿速效

如神

瘰癧

劉氏家秘

斑

蝨去頭足翅同糯米炒香糯米炒黃色卽揀去糯米只用斑蝥

黑牽牛

半生半熟

白木

郁李仁

去皮尖

瘍醫大全

卷十八

瘰癧

瘰癧

顧氏秘書

甘草

密陀僧

檳榔

防

風

各五錢

共爲細末麵糊爲丸如梧桐子大每服二十九  
清晨檳榔甘草湯送下腹內作痛小便下毒如  
魚目狀已破自斂未破自消如小便全無以燈  
心煎湯利之如小便痛以芎茶煎湯解之服此  
丸宜夏枯草煎濃湯當茶

未破癰癧

沉香

芫花

乾月月紅花

各三錢

共爲細末用大活鯽魚一尾放尿桶內浸死取魚剖肚去腸刮鱗以前藥入內用線縫好煮熟將好酒同食必要連藥喫下儘量飲醉服後聽瀉白止忌房事並鮮發之物數日卽愈

已破瘰癧

珍珠一錢

輕粉二錢

陳白螺螄殼

火煨四錢

右乳極細末用猪脊髓調將瘡洗開出子一個將藥補滿自然收功不必驚惶再服煎劑十貼

當歸

川芎

各八分

白茯苓

七分

白芍

四分  
獨活

三分 陳皮 羌活 赤芍 甘草 各五分 食後服

二仙丹

治癩癧

枳

殼

一筋每個切兩開去穢入斑貓去翅足七個仍將兩片合住以線十字紮緊用上好醋浸七天足再以醋煮五炷香必要多加好醋煮透冷定解去線揀去斑貓只將枳殼切片

陰乾

紫背天葵

一筋如無以九頭獅子草代之

共磨細末將前煮枳殼多餘醋打糊爲丸如梧桐子大每服五十九酒水任下早晚各一服末

出頭者自消已出頭者用膏貼之自愈

癩癧 劉長隨

當歸

蛇盤草

各二錢

燈籠果

七個

白茯苓

八分

皂角刺

苦

參

各七分

昆布

六分

黑丑

五分

土茯苓

一兩先煎湯

藥入土茯苓湯內煎食後臨卧服之 忌猪首

鷺羊魚蝦子鷄香葷蛋白菓栗子醬醋茶煎炒

一切動風動火之物均忌 愈後用火酒十觔

金銀花半觔入壺內浸一七煮一炷香埋土內

七日取出早晚飲之永除根矣。

瘰癧 黃君尚

壁虎不拘幾條捉來活放酒釀內浸至第二日將陰陽瓦炙乾又浸如此九次再乳爲細末每用壁虎六錢透明雄黃四錢共成一兩每用三厘胖人五厘好酒調下卽長石榴子忌鹽三七二十一天只用精猪肉煮熟以醋蘸喫 外面用貼過舊膏藥貼之將收口用猪首上栗子肉燒灰敷上卽收口矣此丹未破者內消已破者卽收口愈後再將



男左女右手腕處灸七壯永不復發

瘰癧膏

金線重樓

金線吊蠻藤

草薺仁

商

陸

各四兩

天南星

半夏

露蜂房

防風

蛇蛻

各二兩

大黃

土木鱉

穿山甲

香木鱉

射干

川烏

草烏

枳殼

當歸

紅花

白芷

僵蠶

紫花地丁

紫背天葵

各一兩

活雄鼠

大者

乾

蟾

各一個

芫

花

一兩五錢

巴豆肉

急性子

各五錢

鯽

魚

四尾

用藤油三筋浸七日熬枯去渣復入淨鍋內熬

至滴水成珠稱熟油一筋入銀硃八兩收之成

膏再下淨黃蠟八兩再下

乳

香

去油

沒

藥

去油

血

竭

兒

茶

各五錢

麝

香

二錢

潮

腦

二兩

乳細下之攪勻收貯 攤宜厚些速效如神

消癩癰方 江仁度

甘

遂

一兩熬膏

甘

草

一兩熬膏

先將甘遂膏塗癰上離一燈草遠將甘草膏離之其核自縮洗去次日又用甘遂膏塗之仍離一燈草遠又以甘草膏離之以消爲度

又方

江仁度

鉄

砂

四兩用舊鍋鉄研碎或在爆竹店買

鉄砂研末用滴醋煎成餅復打碎又用醋煎成餅又打碎再用醋煎如此七次乘鉄砂潮熱之

時敷癩瘡上以消平爲度

又方

胡景周

鼠屎三錢鹽水拌炒爲末以一錢拌砂糖爲糲以二錢和麵隨人大小多寡作餅七個包穰焙熟令一日喫盡隔兩日服一次不過三服愈如未除根再服

癩瘡膏

川楝子

入兩炒黑研末只取四兩

川烏

甘草湯泡

生南星

草烏

半

夏各一錢

川貝母

去心五錢

綠色海粉

四兩炒黑  
只取二兩

各研細末共一處煉蜜茶汁和成膠貼患處油  
紙護之

地龍膏

李養榮

癩癧未破者立消

地龍糞

雄黃

小麥麵

各等分

研細醋調塗

專治癩癧有核成瘡者皆能速愈

花壁虎

一條

裝入雞蛋內封固放飯上蒸熟取起

去殼將壁虎全蛋搗爛爲丸如菘葢大陰乾分二  
十日空心茶湯或米飲皆可送下服完百日內忌  
發物及生薑椒蒜雞鶩羊肉遺精房事爲要

癩癧

蛇蛻一條白者佳鍋內炒脆研末臨卧食後酒調  
服在膈上取汗次早潰者膿少未潰者消其潰者  
一時難收口須用花椒湯洗再用黃連末摻之

消癩核

吳近宸

生半夏

生香附

各等分

生附子

少許

研細熬滴醋調敷核上自消

內消散

任中書

治療癰宜先服益氣養榮湯十多劑後再服

硃砂

血

竭各一

生斑猫

去翅足三分

右爲細末每服一分空心燒酒調服未破者三

五日立消已破者內服此藥外用金頭蜈蚣一

條研極細末用麻油一小鍾浸兩晝夜搽患處

其瘡卽腫潰過一二日腫消可貼膏藥瘡勢大

者二十日痊小者十餘日平復

消癰癧

吳搢斑

朝北擄擄簾陰乾煨存性研細米糊爲丸桐子大  
每服三錢白湯送下未成卽消已成卽潰

治癰癧

楊氏家藏

荆芥

白僵蠶炒去絲

黑牽牛

各二錢

斑

猶

二十八個去頭  
翅足全米炒

右爲末臨卧時先將飛滑石末一錢用米湯調

服半夜時再將滑石調服一錢至五更時用溫

酒量人之強弱調前藥末一錢或二三錢服之



服後如小水內並無惡物行下次日早再用三服倘仍不通利第三日五更時先喫白糯米粥再服前藥一服更用燈心湯調琥珀末一錢服之以小水內利去惡物爲效如尿管痛用青黛一錢以甘草稍煎湯調服其痛立止此方治悞食毒物致成癰癰其功甚速

內消癰癰丸

夏枯草

八兩

元參

青

鹽

各五兩

海藻

川貝母

薄荷葉

天花粉

海粉

白蘇

連翹去心

熟大黃

生甘草

生地

桔梗

枳殼

當歸

硝石各一兩

共磨細酒糊丸桐子大臨臥白湯送下三錢

療癰痰核

猶一隻煨熟數次食完自消

又方

如意草焙爲末雞蛋清調敷

消核 黃漢升

從猪膽七個用銅鍋熬以朝北柳枝順手攪不可  
反手攪熬至滴水成珠爲度傾磁器內放朝北地  
上冷一伏時用緞子攤貼

槐條膏

治癩癧如神並貼瘡毒

嫩槐條

要採一枝有七個頭  
者取四十九枝剉碎

麻油一筋浸三日用小火熬枯去渣入炒鉛粉

八兩收膏攤貼

宜春夏熬收

瘰癧串痰

人

信

四錢九分

黑

棗

七個去核

每棗入信七分陰陽瓦焙盡烟爲度埋土內一個月取出研細末栢油調搽以軟紙貼之如無膿血流出卽不必換藥自然長肉結疤

驗方

糯米肥皂

一筋去核水浸一宿去皮筋並石白搗爛加上好米醋一筋再搗以新布攪汁去渣入新砂鍋內熬如米湯色用柳枝不住手攪再入白蠟一兩溶化成膏

出火氣油紙攤貼如已潰者效更速

熬時擇

淨室婦女雞犬忌見

癩癧丸

牡 蠣 煨

元 參 炒各五兩

土 茯 苓 炒二兩五錢

端午日共磨細用酒打麩糊爲丸如棗莖大患  
在上身每清晨洒下二錢五分晚下二錢患在  
下身早服二錢晚服二錢五分自然漸消

消氣核癩癧 巴秘

全斑猫 二個

白 殭 蠶 二十個

火酒二觔全浸每日飲少許卽消

癰瘰已潰未潰

巴秘

每歲用金頭蜈蚣一條陰陽瓦焙研取鷄蛋一個  
打一孔將藥裝入糊好飯上蒸熟每日一個服至  
患者年歲若干爲止未潰卽消已潰自斂

癰瘰

蛇頭菜子草四五月間生時採來焙乾浸酒飲之  
儘醉發汗如此三次以後只飲酒不必取汗未潰  
者消已潰者膏貼

癰瘰潰爛蹙頸垂危者

用苦丁草拾多觔洗淨熬膏攤貼初貼之時極痛  
必須寧耐貼三四日卽不痛矣雖爛見咽喉胸脇  
者俱能全愈

馬刀





馬刀門主論

靈樞云腋下其癰赤堅而不潰者爲馬刀挾癭急治之

汪省之曰馬刀專屬肝膽二經其形頗長堅硬如石或在耳下至缺盆或肩上沿至脇下甚至胸前纍纍經年累月有作瘡而不破有破爛而膿血不止者其證幾危矣

理例

馬魯瞻曰若在胸旁或兩脇結長核者此名馬刀囊

錦囊

周文采曰馬刀瘡生於項腋之間有類癰癧但初起

其狀如馬刀赤色如火燒烙極痛此瘡甚猛宜急

治之不然多成危殆也

集驗

胡公弼曰結於胸前及胸側連脇者名曰馬刀此足少陽膽經候也初生小後必大若疼痛破爛出膿膿孔受風決成漏症斷不易治惟年壯氣血盛者

治之易痊

青囊

陳寶功曰馬刀瘡形長如蛤者是生於項側耳下肩

上缺盆腋下

正宗

蔣示吉曰馬刀結核其硬如石乃手足少陽經起若


失而不治不守禁忌漸延至陽明頰下頰車俱到  
壯實者潰堅湯不足者滋陰散堅湯主之 說約

澄

曰馬刀生於缺盆之上由胸腋而至脇本由痰核  
癰癤時潮熱時作氣血已枯精神短少兼之醫治  
不善釀至膿血大潰腫勢日堅更有潰流血水毫  
無膿汁復有纍如巖穴巖而不痛外撐車頰內阻  
咽喉飲食妨碍筋脈拘攣收引疼痛腿足牽扯甚  
則怒火上衝迫血從毛竅溢出變而爲馬刀矣馬  
刀名之者何義謂之馬其行疾謂之刀其器利旣

疾且利人將奚敵哉故靈樞經云馬刀被癭宜急  
治之雖然人雖垂死猶有可生之法若坐視不救  
豈仁者之心哉外宜艾灸或可回生如肩井肺膈  
臄中風池百勞曲池穴各灸三壯內服益氣養榮  
湯開鬱清痰和氣消核之劑首尾肝脾兼固氣血  
雙扶灸後用萬靈膏調理一年恬淡靜養尚可保  
全性命若妄治追蝕於外攻伐於內則死亾立待  
矣

棋盤癰



瘰癧癰門主論


王肯堂曰瘰癧癰生項腋兩乳旁結核或兩膈軟肉處腫塊屬于少陽三焦經其發緩慢是冷證非熱證也宜回陽玉龍膏敷貼

準繩

澄

曰此證生於項脇形類結核發長緩慢漸增癩廔色紅乃心包絡寒痰脾氣鬱結而成治宜溫和舒鬱化堅

蠱疽



蠱疽門主論

申牛垣曰蠱疽卽發歷瘡乃足陽明胃經多氣多血  
生於缺盆二穴之分在肩下乳上如再生四五頭  
子母大小者又名歷瘡十日可刺如無膿者名曰  
石疽

敬立



鈕扣風門主論

陳實功曰鈕扣風乃風濕凝聚生瘡久則搔瘡如癬  
不治則沿漫項背治以冰硫散搽之 正宗

鈕扣風門生才

水硫散正宗

樟冰

明礬

川椒各二

硫黃二

右為細末先用白蘿蔔一個挖空其內將藥填  
滿復將原皮蓋之濕紙包之附層灰火內煨半  
時許待冷取開用藥全熟猪油調搽患處自愈